

三家詩遺說考

齊詩遺說攷卷第四

四之七

福州陳壽祺學

男喬樅述

齊詩頌一

漢書禮樂志自夏以往其流不可聞已殷頌猶有存者
周詩既備而其器用張陳周官具焉其威儀足以充目
音聲足以動耳詩語足以感心故聞其音而德和省其
詩而志正論其數而法立是以薦之郊廟則鬼神饗作
之朝廷則羣臣和立之學官則萬民協聽者無不虛已
竦神說而承流是以海內徧知上德被服其風光輝日
新化上遷善而不知所以然至於萬物不夭天地順而

嘉應降

周頌

清廟

於穆清廟肅雝顯相濟濟多士秉文之德對越在天

補伏生尙書大傳臯繇謨篇清廟升歌者歌先人之功烈德澤也故欲其清也其歌之呼也曰於穆清廟肅雝顯相於者嘆之也穆者敬之也清者欲其在位者徧聞之也故周公升歌文王之功烈德澤苟在廟中嘗見文王者愀然如復見文王○鄭注烈業也呼出聲也肅雝顯相四海敬和明德來助祭

喬樅謹案漢書儒林傳伏生濟南人也故爲秦博士秦時禁書伏生壁藏之漢定伏生求其書獨得二十九篇卽以教於齊魯之間齊學者由是頗能言尙書水經注河水篇據伏生墓碑言伏生撰五經尙書大傳是伏生遭秦兵燹壁藏亡佚獨以尙書教授其始未嘗不兼通五經也伏生齊人於詩亦當治齊學儒林傳云伏理治齊詩由是齊詩有翼匡師丹之學理卽伏生八世孫也後漢書伏湛傳云初自伏生以後世傳經學清靜無競故東州號爲伏不闕云知伏氏雖世傳尙書其實兼傳齊

詩伏理師事匡衡別自名家要自伏生以後所治詩亦無非齊學不自伏生始也伏氏傳齊詩而理更受詩於匡衡此如歐陽生傳尚書而其子更受書於倪寬漢人最重家學世世轉相傳授蓋欲其益明耳諸齊以詩貴顯者皆固之弟子惟夏侯始昌最明傳后蒼以授匡衡始昌通五經受尚書於夏侯都尉以傳族子勝勝傳從兄子建爲尚書大小夏侯氏之學都尉者伏生再傳弟子也是今文尚書與后蒼之詩皆爲齊學師承之同從可知矣

補又洛誥篇廟者貌也以其貌言之也宮室中度衣服

中制犧牲中辟殺者中死割者中理搏弁者爲文爨竈
者有容椽杙者有數太廟之中續乎其猶模繡也天下
諸侯之悉來進受命於周而退見文武之尸者千七百
七十三諸侯皆莫不磬折玉音金聲玉色然後周公與
升歌而弦文武諸侯在廟中者仍然淵其志和其情愀
然若復見文武之身然後曰嗟子乎此蓋吾先君文武
之風也夫及執俎抗鼎執刀執匕者負膚而歌憤於其
情發於中而樂節文故周人追祖文王而宗武王也

喬樅謹案此卽周頌清廟詩義毛詩叙云清廟祀
文王也周公旣成洛邑朝諸侯率以祀文王焉與

咎繇傳言清廟頌文王之德說合洛誥有禋于文王武王之事故傳兼文武而言周始宗祀文王作清廟之詩蔡邕月令論所謂取其宗祀之貌曰清廟是也其後祖文王而宗武王亦奏清廟之詩以祀武王至成王以周公有大勲勞賜之重祭季夏六月以禘禮祀周公於大廟亦得升歌清廟之詩禮記祭統及明堂位所言其明證也

補禮記仲尼燕居升歌清廟。鄭注清廟頌文王之德喬樅謹案續漢書祭祀志下劉昭注引東觀書東平王蒼議稱詩傳曰頌言成也一章成篇宜列德

故登歌清廟一章也所引詩傳疑爲齊詩傳故其
說與鄭君禮注合又謝沈後漢書載蒼上言引大
雅曰昭哉來御繩其祖武亦與毛詩昭茲來許文
異公羊文九年傳許夷狄者不一而足也左氏隱
二年傳注引作禦夷狄者不一而足許御同音通
用訓義亦同公羊氏齊學以許爲禦足見齊詩來
許亦或作來御也

補儀禮士虞禮鄭注顯相助祭者也顯明也相助也詩
云於穆清廟肅雍顯相

補班固奏記蓋清廟之光輝當時之俊彥也

補班固典引於穆猗那翕純嘏繹以崇嚴祖考殷薦宗
祀配帝發祥流慶對越天地者烏奕乎千載豈不克自
神明哉

逡奔走在廟

補禮記大傳執豆籩逡奔走○鄭注逡疾也疾奔走言
勸事也周頌曰逡奔走在廟

喬樅謹案逡毛詩作駿傳云駿長也箋云駿大也
皆與禮記注義異記注用齊詩說駿與逡古通爾
雅釋詁駿速也速卽疾之義

不顯不承無斁於人斯

補禮記大傳詩云不顯不承無斁於人斯○鄭注斁厭也言文王之德不顯乎不承成先人之業乎言其顯且承之人樂之無厭也

喬縱謹案毛傳云顯於天矣見承於人矣不見厭於人矣鄭箋云是不光明文王之德與言其光明之也是不承順文王之志與言其承順之也此文王之德人無厭之毛以不顯不承爲美文王鄭則指助祭者而言與禮記注義異孔疏以爲禮注在前詩箋在後故不同胡承珙曰詩頌文王當是美文王之德下篇卽云於乎不顯文王之德之純則

以不顯不承爲美文王者於義爲優也

維天之命

維天之命於穆不已於乎不顯文王之德之純

補禮記中庸詩曰維天之命於穆不已蓋曰天之所以爲天也於乎不顯文王之德之純蓋曰文王之所以爲文也純亦不已○鄭注天所以爲天文王所以爲文皆由行之無已爲之不止

喬樅謹案毛傳引孟仲子曰大哉天命之無極而美周之禮也鄭箋云命猶道也天之道於乎美哉動而不止行而不已攷趙岐孟子注云孟子親受

業於子思孟仲子孟子之從昆弟學於孟子者也
無極卽不已之義廣雅極已也可證無極正釋詩
之不已此詩毛叙云太平告文王也太平之事莫
大乎制禮作樂以周禮爲天命之精致太平之具
此聖門之微言大義而孟仲子著書論詩所親受
於孟子者觀中庸引詩下文卽言優優大哉禮儀
三百威儀三千是卽子思述聖人言詩之旨爲孟
仲子師說傳授之所本也鄭箋動而不止二語與
記注詞意亦同蓋用齊詩之說以申毛義

誠以謚我

補說文言部譏嘉善也詩曰譏以謚我

喬樅謹案毛詩假以溢我傳云假嘉溢慎也爾雅
釋詁溢慎也舍人曰溢行之慎某氏曰詩云假以
溢我慎也爾雅注多據魯詩釋文於假以溢我不
言韓詩字異則知魯韓皆與毛同說文所引蓋齊
詩之文也段氏說文注云謚徐鉉本作溢此用毛
詩改竄也廣韵引說文作謚譏謚皆本字假溢皆
段借字左氏襄二十七年傳引作何以恤我何者
譏之聲誤恤與謚同部堯典惟刑之謚哉古文亦
作恤馬瑞辰曰恤當爲恤之假借說文恤靜也正

與爾雅釋詁澁慎以謚並訓靜者同義廣雅靜也
靜我卽安我猶詩言綏我眉壽綏亦安也假以澁
我謂善以綏我也喬樅謂今文尙書與齊詩並傳
自夏侯始昌同一師承今文尙書恤作謚尤足證
說文所引誠以謚我爲齊詩之文無疑也

維清

維清緝熙

補春秋繁露楚莊王篇文王作武詩云文王受命有也
武功旣伐于崇作邑于豐樂之風也又曰王赫斯怒爰
整其旅當是時紂爲無道諸侯大亂民樂文王之怒而

言通言方
詠歌之也周人德已洽天下反本以爲樂謂之大武言民所始樂者武也云爾

補又三代改制質文篇文王受命作宮邑于豐命相臣曰宰作武樂制文禮以配天

喬樞謹案毛詩叙云維清奏象舞也蔡邕獨斷載魯詩叙云維清奏象武之所歌也象武卽武象賈逵左傳注云象文王之樂武象也舞武古通用字此篇三家與毛同義

補班固封燕然山銘維清緝熙

文王之典肇禮

喬樸謹案文王之興鄭箋云天下所以無敗亂之
政而清明者乃文王有征伐之法故也文王受命
七年五伐又肇禋箋云文王受命始祭天而枝伐
也鄭君此箋是據齊詩爲說攷尚書大傳云文王
一年質虞芮二年伐邠三年伐密須四年伐畎夷
紂乃囚之羑里五年之初得散宜生等獻寶而釋
文王文王出則克耆六年伐崇則稱王伏湛述齊
詩說文王受命而征伐五國是其事也尚書中候
我應曰枝伐弱勢注云伐紂之枝黨以弱其勢若
崇侯之屬我應又曰伐崇謝告注云謝百姓且告

天主爲崇也緯學亦本齊詩陳氏稽古編曰維清篇惟鄭氏釋之最明而後儒莫用者因祭天枝伐之說出於緯書耳源謂文王之伐崇類祭見皇矣詩類祭之爲祭上帝見尙書及禮記則以肇禋爲文王始祭天非無稽之談也周世武功惟文王最多文王武功以伐崇爲大故文王有聲篇言繼伐獨舉伐崇爲言皇矣篇之是類又正指伐崇之事則肇禋雖言祭質美文王征伐之功以經證經枝伐之言非謬矣

烈文

錫茲祉福

補漢書宣帝紀錫茲祉福

不顯惟德百辟其刑之

補禮記中庸詩曰不顯惟德百辟其刑之。鄭注不顯言顯也辟君也此頌也言不顯乎文王之德百君盡刑之諸侯法之也

於乎前王不忘

補禮記大學詩云於乎前王不忘

天作

天作高山大王荒之

喬樅謹案尙書大傳云大王去豳邑岐山周民奔而從之者三千乘止而成三千戶之邑卽此頌所言天作高山大王荒之是也鄭君詩箋云居之一年成邑二年成都三年五倍其初蓋亦據齊詩之說

昊天有成命

補漢書郊祀志丞相衡奏言帝王之事莫大乎承天之序承天之序莫重於郊祀故聖王盡心極慮以建其制祭天於南郊就陽之義也瘞地於北郊卽陰之象也天之於天子也因其所都而各饗焉昔者周文武郊於豐

鄔成王郊於雒邑由此觀之天隨王者所居而饗之可見也○又博士師丹等議以爲郊處各在聖王所都之南北周公加牲告徙新邑定郊禮於雒天地以王者爲主故聖王制祭天地之禮必於國郊宜於長安定南北郊爲萬世基

喬樅謹案毛詩昊天有成命叙以爲郊祀天地之詩蔡邕亦云郊祀天地之所歌也是魯詩義與毛同今觀匡衡師丹奏議並言成王郊祀天地於雒邑當卽據齊詩此篇爲說

夙夜其命宥密

補禮記孔子閒居夙夜其命宥密。鄭注其讀爲基基

謀也密靜也言君夙夜謀爲政教以安民則民樂之

喬樞謹案毛傳訓基爲始從國語叔向之說鄭君
禮注用齊詩故與箋義不同

補鹽鐵論未通篇周公抱成王聽天下恩塞海內澤被
四表矧惟南面含仁包德靡不得其所詩云夙夜基命
宥密

我將

補漢書郊祀志周公相成王王道大洽制禮作樂天子
曰明堂辟雍諸侯曰泮宮宗祀文王於明堂以配上帝

四海之內各以其職來助祭

喬樅謹案毛詩叙云我將祀文王於明堂也蔡邕獨斷載魯詩叙亦云我將一章十句祀文王於明堂之所歌也明堂月令論以明堂辟雍異名而同事其實一也引禮記盛德篇明堂九室以茅蓋屋上圓下方其外有水名曰辟雍今據班志語知齊詩與魯毛說同

儀式刑文王之德日靖四方

補漢書刑法志詩曰儀式刑文王之德日靖四方。師古曰周頌我將之詩也言法象文王之德以爲儀式則

四方日以安靖也

喬樅謹案德毛詩作典左氏昭六年傳引詩作德與刑法志同靖毛傳訓爲謀鄭箋訓爲治師古此注與毛鄭訓異蓋用舊注齊詩之義也

時邁

補儀禮大射儀鄭注時邁者太平巡守祭山川之樂歌
喬樅謹案此卽齊詩時邁之叙

懷柔百神及河喬嶽

補漢書郊祀志天子祭天下名山大川懷柔百神咸秩
無文五嶽視三公四瀆視諸侯

補班固東都賦禮神祇懷百靈

明昭有周式序在位

補儀禮大射儀鄭注詩曰明昭有周式序在位

載戢干戈載櫜弓矢我求懿德肆於時夏

補鹽鐵論論篇兵者凶器也甲堅兵利爲天下殃以
母制子故能久長聖人法之厭而不揚詩云載戢干戈
載櫜弓矢我求懿德肆於時夏

補易林大畜之咸櫜戣甲兵歸放馬牛徑路開通國無
凶憂

補漢書五行志詩曰載戢干戈載櫜弓矢

補禮記樂記鄭注兵甲之衣曰櫜詩曰載櫜弓矢

補儀禮大射儀鄭注詩曰我求懿德肆於時夏

喬樅謹案鄭君大射儀注又引呂叔玉說以肆夏爲卽時邁之詩馬瑞辰曰周官鍾師注引呂叔玉云肆夏繁遏渠皆周頌也肆夏時邁也繁遏執僇也渠思文也元謂以文王鹿鳴言之則九夏皆詩篇頌之族類也此歌之大者載在樂章樂亡亦從而亡是以頌不能具案所云頌不能具調不能備有九夏耳其以肆夏爲周頌時邁等詩正同呂說故此詩箋云樂歌大者稱夏思文箋又云夏之屬

有九賈疏乃以頌不能具謂頌內無此詩正義亦

云鄭以九夏別有樂歌之篇非頌也失鄭情矣

補荀悅漢紀序先王光演大業肆于時夏

執競

鐘鼓鏗鏘磬管鏘鏘降福穰穰降福簡簡

補漢書禮樂志詩曰鐘鼓鏘鏘磬管鏘鏘降福穰穰書

云擊石拊石百獸率舞鳥獸且猶感應而況於人乎況

於鬼神乎故樂者聖人之所以感天地通神明安萬民

成性類者也

補荀悅漢紀五詩云鐘鼓煌煌磬管鏘鏘降福穰穰

補鹽鐵論論筭篇好行善者天助以福符瑞是也周文
武尊賢受諫敬戒不殆純德上休神祇相貺詩云降福
穰穰降福簡簡

喬樅謹案鏗鏘毛詩作嚶嚶鏘鏘毛詩作將將說
文及風俗通引詩竝作鏗鏘是三家文同荀悅漢
紀引詩作煌煌疑卽鏗鏘之譌詩釋文云將將說
文作甝甝行貌也甝甝蓋魯韓之異文穰穰鹽鐵
論木或作穰又作穰穰亦卽穰之譌

思文

補漢書郊祀志周公相成王王道大洽制禮作樂郊祀

后稷以配天宗祀文王於明堂以配上帝四海之內各以其職來助祭

喬樅謹案毛詩叙言思文后稷配天也蔡邕獨斷載魯詩叙同今據班志云云是齊詩說思文篇亦與魯毛同義

詒我來麴

補說文來周所受瑞麥來麴也二麥一秝象其芒束之形天所來也故爲行來之來詩曰詒我來麴

喬樅謹案毛詩詒作貽麴作牟魯詩曰詒我釐麴韓詩曰貽我嘉麥說文所引蓋齊詩之文鄭箋云

武王渡孟津白魚躍入于舟出渙以燎後五日火
流爲鳥五至以穀俱來此謂遺我來牟書說鳥以
穀俱來云穀紀后稷之德正義引禮說曰武王赤
鳥穀芒應周尙赤用兵王命爲牟天意若曰須暇
紂五年乃可誅之武王卽位此時已三年矣穀蓋
牟麥也詩曰貽我來牟是鄭所據之文也書說鳥
以穀俱來云云尙書旋璣鈴及合符后皆有此文
喬樅謂書說禮說竝與齊詩同一師傳鄭箋之語
當卽本齊詩班固典引言朱鳥黃麥之事亦皆用
齊說詩釋文云牟字或作麥麥蓋麴之或體

噫嘻

浚發爾私

補鹽鐵論取下篇君篤愛臣盡力上下交讓而天下平
浚發爾私上讓下也遂及我私先公職也

喬樸謹案毛詩釋文云浚本又作駿是釋文本作
浚正義作駿與又作本同鄭箋訓駿爲疾攷爾雅
釋詁駿速也說文趨行速趨趨也訓義竝同浚卽
趨之段借私毛傳云民田也言上欲富其民而讓
於下欲民之大發其私田耳與鹽鐵論說同惟以
駿訓大其義微異

振鷺

補禮記仲尼燕居徹以振羽。○**鄭注**振羽樂章也振羽振鷺

喬樅謹案毛詩叙曰振鷺二王之後來助祭也蔡邕所載魯詩叙同今據禮記語則振鷺又爲大饗徹器之所歌矣

補漢書匡衡議曰王者存二王後所以尊其先王而存

三統也

見梅福傳

喬樅謹案漢書言元帝時匡衡議以爲宋已失其統而失國宜更立殷後爲始封而上承湯統孔子

殷人先師所共傳宜以孔子世爲湯後至成帝時
梅福復言宜封孔子後以奉湯祀綏和元年遂封
孔子世爲殷紹嘉公子真之辭與稚圭同足知其
說詩亦皆爲齊學也

在彼無惡在此無射庶幾夙夜以永終譽

補禮記中庸詩云在彼無惡在此無射庶幾夙夜以永
終譽○**鄭注**射厭也永長也

喬樅謹案射毛詩作斲義同馬瑞辰曰按終與衆
雙聲古通用後漢書崔駰傳豈可不庶幾夙夜以
永衆譽義本三家詩終卽衆之假借猶詩衆穉且

狂卽言終穉且狂也中庸釋此詩曰君子未有不如此而蚤有譽於天下者也有譽於天下卽衆譽也詩承上在彼在此言之亦爲衆譽正義讀如終始之終失之

補班昭女誡詩云在彼無惡在此無射

豐年

爲酒爲醴烝畀祖妣以洽百禮

補禮記郊特牲鄭注詩頌豐年曰爲酒爲醴烝畀祖妣以洽百禮

有聲

設業設虞崇牙樹羽

補禮記明堂位鄭注龔虞所以懸鐘磬也橫曰龔飾之以鱗屬植曰虞飾之以羸屬形屬龔以大版爲之謂之業殷又於龍上刻畫之爲重牙以挂懸紃也周又畫繪爲雲載以璧垂五采羽于其下樹於龔之角上飾彌多也周頌曰設業設虞崇牙樹羽

喬樅謹案說文云業大版也所以飾懸鐘鼓捷業如鋸齒以白畫之象其鉏鋸相承也牙卽業之上齒皇氏云崇重也謂刻畫大版重疊爲牙是也靈臺詩虞業維樅毛傳云樅崇牙也正義謂以采色

爲大牙其狀隆然謂之崇牙失之

應輦縣鼓

補禮記明堂位周縣鼓○鄭注縣縣之以簎虞也周頌
曰應輦縣鼓

喬樅謹案毛詩應田縣鼓傳云田大鼓也箋云田
當作輦輦小鼓在大鼓旁應輦之屬也聲轉字誤
變而作田攷周禮大師合奏鼓輦注引鄭司農云
輦小鼓也先擊小鼓乃擊大鼓小鼓爲大鼓先引
故曰輦輦讀爲導引之引元謂鼓輦猶言擊輦詩
云應輦縣鼓爾雅釋樂郭注引詩同是知齊魯今

文字皆作𦏧也陳氏禮書曰儀禮朔𦏧卽𦏧鼓也
以其引鼓故曰𦏧以其始鼓故曰朔是以儀禮有
朔無𦏧周禮有𦏧無朔馬瑞辰曰按陳說是也釋
名𦏧𦏧助鼓節也聲在前曰朔朔始也在後曰應
應大鼓也𦏧以引鼓在前可知𦏧之卽朔詩言應
𦏧蓋前後皆備矣

肅雍和鳴先祖是聽

補禮記樂記詩云肅雍和鳴先祖是聽○鄭注言古樂
和且敬

喬樸謹案雍毛詩作雝史記樂書引詩與禮記同

是三家文皆作雍

永觀厥成

補班固辟雍詩永觀厥成

潛

潛有多魚有鱣有鮪鰭鱣鰪

補易林比之觀鱣鮪鰪鰪衆多饒有一笱獲兩利得過

倍

益之音同

雍

補禮記仲尼燕居客出以雍徹○鄭注雍樂章也

補班固西都賦食舉雍徹

喬樅謹案周禮樂師云及徹帥學士而歌徹注云
徹者歌雍在周頌臣工之什論語雍徹注引馬融
云天子祭於宗廟雍以徹祭是宗廟之祭及食舉
樂並歌雍以徹也又周禮小師徹歌大饗亦如之
賈疏云大饗饗諸侯之來朝者徹器亦歌雍若諸
侯自相饗徹器卽歌振鷺仲尼燕居云徹以振羽
是其事也雍本禘太祖之所歌用之徹祭又用之
大饗李善文選注釋食舉雍徹引禮記客出以雍
徹爲證是讀以雍徹絕句謂歌雍以徹也又言以
振羽者謂兩君相見諸侯大饗之禮則歌振鷺以

徹也禮記正義讀客出以雍爲句言客出之時歌
雍以送之失其義矣

綏我眉壽介以繁祉

補鹽鐵論申韓篇頌曰綏我眉壽介以繁祉此天爲福
亦不小矣

武

補漢書禮樂志武王作武武言以武功定天下也

補禮記仲尼燕居鄭注武象武王之大事也○明堂位
鄭注象謂周頌武也以管播之

補春秋繁露質文篇武王受命作官邑於鄔制爵五等

作象樂繼文以奉天

喬樅謹案周頌言奏者獨維清及武二篇以此二詩有歌有舞也維清象文王之武功武象武王之武功故其樂皆名爲象蔡邕獨斷云維清奏象武之所歌也象武亦曰武象賈逵左傳注云象文王之樂武象也文王之樂名象武王之樂亦名象墨子云武王勝殷事成功立因先王之樂又自作樂命曰象武是也文王之樂曰武武王之樂亦曰武春秋元命包云文王之時民樂其興師征伐故曰武昌氏春秋云武王伐殷克之歸乃薦俘馘于京

大宰令周公爲作大武是也又白虎通禮樂篇曰
周樂曰大武象周公之樂曰酌合曰大武合曰大
武者天下始樂周之征伐行武故詩人歌之王赫
斯怒爰整其旅當此之時天下樂文王之怒以定
天下故樂其武也白虎通之說與春秋繁露合是
齊魯詩家義同武本文王樂名詩言文王受命有
此武功及武王克殷繼文而卒成武功又定大武
之樂故蔡邕獨斷載魯詩叙云武奏大武周武所
定一代之樂之所歌也言周武所定者明文王已
作武樂也鄭注禮記文王世子明堂位祭統諸篇

以象爲周頌之武注仲尼燕居以武爲大武正與諸說相合胡承珙並譏其失過矣

閔子小子

遭家不造

補漢書叙傳遭家不造

煢煢在疚

漢書匡衡上疏曰詩云煢煢在疚言成王喪畢思慕意氣未能平也蓋所以就文武之業崇大化之本也

喬樅謹案煢煢毛詩作嬾嬾釋文云崔本作煢疚本又作欠說文欠字下引詩煢煢在欠嬾字下又

引詩嬭嬭在玆此兼採三家及毛詩也說文熒回疾也从火營省聲段氏注云熒引申爲熒獨取徘徊無所依之意作嬭者段借字也玆亦玆之假借念我皇祖陟降廷止

漢書匡衡疏曰昔者成王之嗣位思述文武之道以養其心休烈盛美皆歸之二后而不敢專其名是以上天歆享鬼神佑焉其詩曰念我皇祖陟降廷止言成王常念文王武王之德奉而行之故鬼神上下臨其朝廷

喬樸謹案我毛詩作茲廷毛詩作庭傳云庭直也箋云上以直道事天下以直道治民義與此注不

同師古之語蓋述舊注所稱齊說也馬瑞辰曰蒼頡篇云廷直也廷與庭同義其說亦通

敬之

毋曰高高在上陟降厥士日監在茲

漢書郊祀志匡衡奏議詩曰毋曰高高在上陟降厥士日監在茲言天之日監王者之處也

日就月將學有緝熙於光明

補易林升之節日就月將昭明有功靈臺觀賞膠鼓作仁

喬樅謹案據此知齊詩說亦以靈臺辟雍同處膠

鼓作仁謂膠庠及鼓宗也

示我顯德行

補春秋繁露身之養重於義篇聖人事明義以炤耀其所聞故民不陷詩云示我顯德行先王顯德以示民民樂而歌之以爲詩說而化之以爲俗故不令而自行不禁而自止從上之意不待使之若自然矣

喬樅謹案說郛載詩緯汜厥樞曰聖人事明義以炤耀其所聞故民不陷詩云示我顯德行與春秋繁露文同

小志

自求辛螫

補易林廣之泰萬室蜂口螫我手足不得進止為吾害

咎

也之明夷
豐之說同

喬樸謹案螫韓詩作赦云赦事也見毛詩釋文攷爾雅釋詁事勤也則辛赦猶言辛勤耳鄭箋云女如是徒自求辛苦毒螫之害義異韓詩而與易林語意正同蓋用齊詩改毛又據易林言萬室蜂戶則齊詩以弄蜂為蜂蠆之蜂也

璧允彼桃蟲拚飛維鳥

補

比易林桃蟲生雕

喬樅謹案藝文類聚九十二引焦氏易林謂桃蟲
生鵬或云布穀生子鵯鵯養之太平御覽九百二
十三引同雕者鵯鳥也鴈鵯之屬毛傳云桃蟲鵯
也鳥之始小終大者鄭箋云鵯之所爲鳥題肩也
或曰鵯皆惡鳥也題肩卽鴈之別名見禮記月令
注爲猶化也陸璣草木疏云桃蟲今鵯鵯是也微
小於黃雀其雛化而爲鵬故俗語鵯鵯生鵬馬瑞
辰曰按爾雅釋鳥桃蟲鵯郭璞云桃蟲巧婦也方
言說巧婦之名或謂之過羸猶桑蟲之化螟蛉亦
名果羸也幽詩言鵯鵯取子喻武庚之誘管蔡猶

鵯鵯取布穀之子使化鵬鵯也此詩桃蟲飛鳥喻
管蔡之從武庚猶布穀之子爲桃蟲所養而化鵬
鵯也呂氏春秋仲春紀鳩化爲鷹高注鳩蓋布穀
則布穀與鷹互相變化由來久矣

予又集于蓼

補易林觀之益去辛就蓼毒愈酷甚

載蓼

補南齊書樂志漢章帝時元武司馬班固奏用周頌載
蓼以祠先農

喬樞謹案毛詩叙以載蓼爲春藉田而祈社稷也

蔡邕獨斷同是三家與毛同義故班固奏用此詩
爲祠先農之樂歌

有馥其馨

喬樅讀案毛詩有椒其馨傳云椒猶餽也釋文云
沈作倣尺叔反云作椒者誤也 亡相國掣經室集
曰案椒字乃馥字之誤隸釋卷八冀州從事張表碑
引作有馥其馨隸續卷十一膠東令王君廟門斷碑
亦作有馥其馨是漢之經文作馥明矣晉左九嬪
納楊后贊曰有馥其馨 見藝文類聚十五 傅咸荅潘尼詩
曰有馥其馨 藝文類聚 是晉猶作馥矣沈重作倣

尺叔反

韻字切音廣韻集韻皆以房爲雙聲尺字疑是房之訛

且云作椒者

誤也此不知唐以前何時寫者損滅馥字又損房爲尺又誤叔爲倅又由倅形與椒近而誤爲椒陸氏釋文云無故改爲倅而不知倅乃馥切音字之誤冒也毛傳椒猶餽也當作馥首餽也此蒙上有餽其香而言餽香與馥香同若反握椒椒櫟之椒傳箋皆不容無解椒之辭而椒猶餽也爲不辭矣此經文明是馥字之本證然非漢晉四證則此字無由臆造永不知其誤而又誤矣歙縣程少農思澤云詩苾芬孝祀文選注一切經音義並引韓詩

作馥芬孝祀馥字形聲不謬於六書可補說文之遺元又謂馥苾同必義同馥音亦同馥所以毛傳云馥猶馥也馥與馥同此亦詩義同字變之例也處義卽伏犧宓子賤皆房六切亦必復同音之證喬樅攷華嚴經音義上引字林云馥香氣盛也正詩馥字之訓廣雅釋訓馥馥芬芬香也馥馥亦卽苾苾小雅信南山曰苾苾芬芬三家詩作馥馥芬芬蔡邕司空臨晉侯楊公碑曰祀事孔明又曰馥馥芬芬是其明證何晏景福殿賦亦云馥馥芬芬皆用詩信南山語廣雅所釋卽據三家詩訓義也

馬瑞辰曰上林賦云芬香漚鬱酷烈淑郁淑正
芬香貌淑倣古通倣又與淑義說文淑氣出土
也土氣謂之淑穀氣謂之淑義正相近馬說亦通
倣古文作淑見聘禮注淑馥同部三家今文正作
馥字毛氏以淑爲馥之通假水旁與木旁形近遂
誤作淑耳若毛詩同三家作馥則馥淑字形迥別
無緣致誤沈重亦無因改字爲倣矣

良耜

其餉伊黍其笠伊糾

補禮記郊特牲鄭注詩曰其餉伊黍其笠伊糾言野人

之服也

喬樅謹案說文云糾三合繩也倉頡解詁亦云繩三合曰糾郊特牲言野夫黃冠黃冠草服也又言草笠而至尊野服也是詩其笠伊糾謂以草爲笠其繩惟三合之耳

百室盈止婦子寧止

補鹽鐵論力耕篇古者尙力務本而種樹繁躬耕趣時而衣食足雖累凶年而人不病也故衣食者民之本稼穡者民之務也二者修則國富而民安也詩曰百室盈止婦子寧止

絲衣

自堂徂基自羊徂牛鼐鼎及鼐

不吳不敖胡考之休

漢書郊祀志周頌曰自堂徂基自羊徂牛鼐鼎及鼐不吳不敖胡考之休。師古曰其門塾之基也吳謹譁也敖慢也考壽也休美也言執祭事者或升堂室或之門塾視牛羊之牲及舉大小之鼎告其致絜神降之福故獲壽考之美曰何壽之羊者歎之之言也

案毛詩定

毛氏誤釋文云說文作吳大言也何承

天云吳字當作吳

下大以魚之大口者名吳音

胡化反此音恐

志吳字注無音必本作

吳而今譌爲吳耳

喬樅謹案說文吳大言也从吳口吳从大象形故
吳爲大言毛傳云吳譁也譁卽大言之謂又說文
吳下重文𠂔云𠂔又如此攷說文𠂔放也、大八
吳古文作𠂔从口𠂔者取𠂔之義謂放言也

字从𠂔有廣大之稱與𠂔字從𠂔訓爲大言同

吳者吳之變體何承天音卽反蓋讀石瓠證

卒所以驚人也从大从𠂔一曰𠂔也讀若瓠是

其明證故詩碩人僕僕韓詩作扈扈何音蓋非無

本其以吳爲誤則失於考校耳毛傳及箋皆訓吳爲譁吳譁亦一聲之轉衆經音義卷十一鏃此古文奇字鏃尤可見吳之古音有讀爲胡化反也喬樸又案毛傳訓考爲成師古注訓考爲壽與毛義異蓋本舊注齊說鄭箋云此得壽考之休徵亦據齊詩以易毛義也

補禮記禮器鄭注釋祭之禮旣設祭於室又事尸於堂孝子求神非一處也周禮曰門堂三之二室三之一詩頌曰自堂徂基

勺

補儀禮燕禮若舞則勺鄭注勺頌篇告成大武之樂歌也萬舞而奏之所以美王侯勸有功也

補漢書董仲舒傳五帝三王之道改制作樂而天下和治百王同之虞氏之樂莫盛於韶周之樂莫盛於勺。張晏曰勺周頌篇名言能成先祖之功以養天下也。補春秋繁露質文篇周公輔成王受命作宮邑於洛陽成文武之制作勺樂以奉天

喬樅謹案勺毛詩作酌釋文云字亦作勺春秋繁露勺字疑卽勺之譌荀子及左氏傳並作勺儀禮禮記及漢書並作勺勺卽勺之省勺酌訓義相近

古通用字

補漢書禮樂志周公作勺勺言能勺先祖之道也

補禮樂志蕭勺羣慝。晉灼曰勺周樂也言以樂征伐也

喬樸謹案毛詩序以酌爲告成大武白虎通禮樂篇云周樂曰大武象周公之樂曰酌合曰大武鄭君儀禮注亦云勺告成大武之樂歌是三家與毛氏義並相同周之樂莫盛於勺者謂文王武王之武功至是大成故爲極盛耳

於鏢王師遵養時晦

實維爾公允師

補儀禮燕禮鄭注勺詩曰於錄王師遵養時晦又曰實維爾公允師

喬樅謹案毛傳訓養爲取陳奐曰此古義也禮記羣鳥養羞鄭注羞調取食則養羞猶言取食也馬瑞辰曰逸周書允文解曰遵養時晦晦明遂語于時允武孔晁注云養時闇昧而誅之使昧者修明而遂告以言武也王肅釋傳亦云率以取是紂定天下以除晦說文養古文作𦍋从羊支支从又卜聲又手也手所以取故養字古有此義喬樅謂張

晏漢書註云勺言能成文武之功以養天下也以
養天下猶言以取天下故爲成文武之功鄭君箋
詩以遵養時晦謂養是闇昧之君以老其惡用韓
詩外傳說別爲一義

補班固封燕然山銘錄王師兮征荒裔

桓

屢豐年

班固靈臺詩屢惟豐年

于以四方克定厥家

漢書匡衡疏曰詩云于以四方克定厥家傳曰正家而

天下治矣。師古曰言欲治四方者先當定其家從內
目及外

喬樅謹案此與毛詩傳箋義異

般

補易林萃之比德施流行利之四鄉雨師灑道風伯逐

殃巡狩封禪以告成功益之復族
之小過同

喬樅謹案毛詩叙云般巡狩而祀四嶽河海也般
樂也蔡邕獨斷云般巡狩祀四嶽河海之所歌也
是三家與毛序同胡承珙曰按此詩與時邁相似
但時邁叙云巡狩告祭柴望也所重在告祭天神

而山川百神皆在從祀之數故經首言昊天然後
及百神河嶽郊特牲云天子適四方先柴禋典
巡守至于岱宗柴說文柴燒柴焚燎以祭天神鄭
王制注柴祭天告至也此可見時邁以柴爲重望
秩山川不過連而及之耳般刈絕不及柴燎惟祀
山川而已此其所以不同況時邁言載戢干戈載
櫜弓矢明是頌武王初克商後巡守祭告之事般
則通言陟山翥河敷天袞對似富爲既定天下後
時巡四方而作也漢儒於二時皆以封禪之說而
毛皆不言蓋封禪之禮古者帝王巡守必皆行之

封卽堯典封二山之封鄭注書大傳云祭者必封
封亦壇也禪與壇同東門之壇傳云壇除地町町
者然則封土爲壇除地爲壇乃巡守祭祀之常事
故經典皆未嘗特言之耳

於皇時周

補班固靈臺時於皇樂胥

喬樞謹案般詩序云般樂也鄭箋釋於皇時周云
皇君也於乎美哉君是周邦班固於皇樂胥之語
卽本般詩

於釋思

喬樸謹案毛詩釋文云於繹思毛詩無此句齊魯
韓有之今毛詩有者衍文也崔集注本有是採三
家之本崔因有故解之正義云此篇末俗本有於
繹思三字誤也臧輔曰此句涉上賚篇而誤卽在
三家亦爲衍文馬瑞辰曰賚篇以於繹思與首三
句爲韻若此篇增於繹思則與山河不相協且賚
詩於繹思承上敷時繹思而申言之般詩則上無
所承不得言於繹思也

齊詩遺說攷卷第四

四之二

福州陳壽祺學

男喬樅述

齊詩頌二

魯頌

補漢書地理志魯地奎婁之分埜也東至東海南有泗水至淮得臨淮之下相睢陵僮取慮皆魯分也周興以少昊之虛曲阜封周公子伯禽爲魯侯以爲周公主其民有聖人之教化瀕洙泗之水其民涉度幼者扶老者而代其任俗旣益薄長老不自安與幼少相讓故曰魯道衰洙泗之間斷斷如也

坳

駢牡馬在坳之野

喬樸謹案毛詩駟牡馬釋文駟古熒反說文作驍又作駟同不言韓詩字異則韓與毛同作駟可知駢蓋齊魯之異文胡承珙曰今本說文驍良馬也駢馬盛肥也詩曰四牡駢駟牧馬苑也詩曰在駟之野案說文驍下本不引詩釋文當是駟又作驍蓋陸所見毛詩有作驍一本耳下乃云說文作駢同陸所見說文自作駢駢牡馬與今本異許偁三家詩作駢駢而馬肥盛之訓正與毛訓駟

駟爲腹榦肥張者同義毛多借字此特借馬苑之
駟字爲之耳至牧馬苑乃駟之本義其引詩在駟
之野段氏注云宜本作在同之野詩言牧馬在同
故許引之以證从馬同會意馬在同爲駟猶草木
麗于地爲麗也喬樅攷玉篇駟馬肥壯盛貌駟同
上又牧馬苑也是以駟與駟爲一字之異體此詩
名篇蓋取牧馬之垆故揚雄大僕箴云牧于垆野
而詩人興魯又束皙云騶駟在垆史克以頌魯侯
卻昂云里克賦在垆之頌說文以同爲古文垆爲
同之或體則知三家詩皆當以垆名篇也

類水

補禮記王制鄭注類之言班也所以班政教也○又禮器鄭注類郊之學也詩所謂類宮也

喬樅謹案毛詩作泮水箋云泮之言半也半水者蓋東西門以南通水北無也箋說與白虎通同蓋用齊魯之義說文云泮諸侯饗射之宮西南爲水東北爲牆其說獨異攷許氏五經異義釋辟雍據韓詩說鄭君駁異義據禮記王制謂大學卽辟雍又據詩頌泮水爲泮宮復與辟雍同義之證然則知鄭所云半水謂以南通水是用齊詩之說許所

云西南爲水是用韓詩之說也水經泗水注云魯泮宮在高門直北道西宮中有臺高八十尺臺南水東西一百步南北六十步臺西水南北四百步東西六十步臺池咸結石爲之詩所謂思樂泮水也鄭言西南通水與許氏合其所傳詩亦當爲韓矣

在頊獻馘

補禮記王制鄭注訊馘謂所生獲斷耳者詩曰在頊獻馘

淑問如臯陶

漢書匡衡疏曰淑問揚乎疆外○師古曰淑善也問名也

喬樅謹案師古此注與毛詩義異箋云善聽獄之吏如臯陶者是以問爲問獄之問

克廣德心

補班固寶車騎北征頌克廣德心

元龜象齒大賂南金

補易林比之噬嗑蒼梧鬱林道易利通元龜象齒寶貝南金爲吾歸功

補又萃之中孚元龜象齒大賂爲寶稽疑當否衰微復

起

喬樅謹案毛傳訓賂爲遺鄭箋訓大爲廣胡承珙
曰大賂二字句屬上下與韋固旣伐昆吾夏桀文
法相同胡說是也觀易林言元龜象齒大賂爲寶
亦以大賂包上元龜象齒是其證矣

闕宮

闕宮有恤實實枚枚赫赫姜嫄其德不同上帝是依

補春秋元命包曰姜嫄遊於闕宮其地扶桑履大人跡
而生稷卦之得震故周蒼代商

喬樅謹案闕宮毛傳引孟仲子曰是祿宮也生民

篇厥初生民時維姜嫄生「如何克歆克祀以弗
無子履帝武敏傳曰古者必立郊禘焉元鳥至之
日以大牢祠于郊禘天子親往后妃率九嬪御乃
禮天子所御帶以弓韉授以弓矢于郊禘之前帝
高辛之帝也從于帝而見于天將事齊敏也箋云
帝上帝也敏拇也祀郊禘之時時則有大神之迹
姜嫄履之於是遂有身生子是爲后稷據此是姜
嫄祀於郊禘因遊禘宮也元命包以閼宮爲神禘
之宮與孟仲子說正合春秋緯用齊詩詩齊魯韓
說后稷感天而生故周爲姜嫄立廟卽爲后夫人

祀 祈子之官謂之祿官太平御覽禮儀部引五
經異義曰王者一歲七祭天仲春后妃祀郊祿祿
亦祭天也祿官在於南郊故謂之郊祿然則魯亦
有所祿之官矣

補周禮大司樂鄭注姜嫄履大人跡感神靈而生后稷
是周之先母也周立廟自后稷爲始祖姜嫄無所妃是
以特立廟而祭之謂之閼宮閼神之

喬樅謹案閼宮箋云閼神也姜嫄神所依故曰神
宮說文祕神也閼與祕音義同古有神祿之稱高
辛以前祀女媧爲神祿風俗通云女媧禱祀神示

而爲女媒尸。昏姻爲行媒所始是也。殷以元鳥
生商爲嘉祥。故祀城簡於禘宮。周以帝迹術感爲
神靈。故祀姜嫄於禘宮。變媒言禘神之也。故曰閼

宮

王謂叔父建爾元子俾侯於魯。大啟爾宇爲周室輔。乃命
魯公俾侯於東。錫之山川土田附庸。

補禮記明堂位鄭注上公之封地方五百里。加魯以四
等之附庸。方百里者二十四。同五百二十五。積四十九
開方之得七百里。詩魯頌曰王謂叔父建爾元子俾侯
于魯。大啟爾宇爲周室輔。乃命魯公俾侯于東。錫之山

川土田附庸

補漢書律厯志成王元年正月己巳朔此命伯禽俾侯于魯之歲也

享以駢犧

補禮記繁露郊祀對周公傳成王成王遂及聖功莫大於此周公聖人也有祭於天道故成王令魯郊也魯郊用純駢剛周色上赤魯以天子命郊故以駢

喬樞謹案何休公羊僖三十二年傳解詁云昔武王既沒成王幼少周公居攝行天子事制禮作樂致太平有王功周公薨成王以王禮葬之命魯使

郊以彰周公之德邵公所述多公羊家師說故與
春秋繁露合公羊爲齊學其稱詩皆齊說也駢犧
毛傳云駢赤犧純也鄭箋云成王以周公功大命
魯郊祭天亦配之以君祖后穆其牲用赤牛純色
與天子同也此詩享以駢犧正魯郊用純駢之證
曲禮天子以犧牛鄭注犧純毛也純毛謂毛之純
色者公羊傳周公白牡魯公駢犧何休以駢犧爲
赤脊但言赤脊則非純色可知若羣公不毛則又
不盡赤脊矣

白牡駢剛

補春秋繁露郊祀對武王崩成王幼而在繼祿之中周公繼文武之業成二聖之功德漸天地功被四海故成王賢而貴之詩云無德不報故成王使祭周公以白牡上不得與天子同色下有異於諸侯以爲報德之禮

喬樅謹案公羊傳文十三年解詁云白牡殷牲周公死有王禮謙不敢與文武同也剛者牝之段借說文牝特也特牛父也則駢牝猶言駢牡耳公羊傳魯公駢牝牝正字齊詩今文疑字當作牝牝字从岡取赤脊之義也

籩豆大房

補禮記明堂位周以房祖鄭注房謂足下跗也上下兩間有似於堂房魯頌曰籩豆大房

三壽作朋

補漢書禮樂志養三老五更於辟雍○李奇曰天子父事三老兄事五更詩曰三壽作朋

喬樅謹案鄭箋以三壽爲三卿李奇以爲三老蓋據齊說與箋異義

公車千乘朱英綠滕

補禮記明堂位革車千乘鄭注革車兵車也兵車千乘成國之賦也詩魯頌曰公車千乘朱英綠滕

公徒三萬貝冑朱綬

補禮記少儀鄭注詩云公徒三萬貝冑朱綬亦鎧飾也
戎狄是膺荆舒是懲

補漢書淮南衡山濟北王傳贊詩云戎狄是膺荆舒是
懲信哉是言也夫荆楚剽輕好作亂廼自古記之矣

補又嚴朱等傳贊詩稱戎狄是膺荆舒是懲久矣其爲
諸夏患也

補又匈奴傳贊詩稱戎狄是膺荆舒是懲久矣夷狄之
爲患也

眉壽無有害

禮記集說卷之

卷之

補漢書匡衡禱廟文眉壽無疆韋元成傳

奄有龜蒙

補漢書諸侯王表序奄有龜蒙

令妻壽母

補易林豫之否令妻壽母宜家無咎君子之歡得以長

寢廟釋釋

補周禮隸僕鄭注詩云寢廟釋釋相連貌也前曰廟後

曰寢

喬樅謹案毛詩作新廟奕奕文選注引韓詩亦作

新廟薛君章句以奕奕爲盛貌惟齊魯詩並作寢
廟釋經與毛韓文異

奚斯所作孔曼且碩

補班固兩都賦序臯陶歌虞奚斯頌魯同見采於孔氏
列於詩書其義一也

喬樅謹案古今人表魯公子奚斯列上之下在第三等三家詩說皆以魯頌爲奚斯作與毛氏不同孔氏廣森云三家調詩爲奚斯作者是也此與吉甫作頌其詩孔碩文義正同曼長也詩之章句未有長如此篇者故以曼言之毛傳調奚斯作廟則

孔碩且碩詞意窘複矣

補後漢書曹褒傳昔奚斯頌魯考甫詠殷夫人臣依義
顯君竭忠彰主行之美也

喬樅謹案叔通家世持慶氏禮慶普爲后蒼弟子
於詩當習齊后氏故傳叔通此說卽本之齊詩也

齊詩遺說攷卷第四

四之三

福州陳壽祺學

男喬樅述

齊詩頌三

商頌

補漢書地理志宋地房心之分埜也周封微子於宋今之睢陽是本陶唐氏火正閼伯之虛也

禮記樂記鄭注商宋詩也

案韓詩以商頌爲美襄公史記宋世家同鄭注樂記亦以商爲宋詩然則三家說並合矣

那

猗與那與

班固典引於穆猗那

又明堂詩猗與緝熙

植我鼗鼓

補禮記明堂位殷楹鼓鄭注楹謂之柱貫中上出也殷

頌曰植我鼗鼓

喬樅謹案毛詩作置我鼗鼓箋讀置爲植植鼗鼓者爲楹貫而樹之鄭讀卽據三家今文馬瑞辰曰按說文植戶植也或从置作櫃是櫃本植之或體詩作置者卽櫃之省借漢石經論語置其杖而耘

正與詩假置爲植者同

既和且平

補漢書叙傳既和且平

烈祖

奏假無言時靡有爭

補禮記中庸詩曰奏假無言時靡有爭。鄭注假大也。此頌也言奏大樂於宗廟之中人皆肅敬金聲玉色無有言者以時太平和合無所爭也。

喬樅謹案奏假毛詩作禴假左傳昭二十年引詩作禴假奏禴一聲之轉假假雙聲故得通用鄭君

此注以奏假爲奏大樂與毛詩傳箋義殊

我受命溥將

補漢書匡衡謝毀廟告受命溥將

韋元成傳

元鳥

天命元鳥降而生商

補詩含神霧曰契母有娵浴於元邱之水睇元鳥銜卵

過而墮之契母得而吞之遂生契

見丹鉛總錄

喬樅謹案史記三代世表褚先生引詩傳曰湯之
先爲契無父而生契母與姊妹浴于元邱有燕銜
卵墮之契母得故含之誤吞之卽生契索隱曰按

史所引出詩緯故曰詩傳喬樅謂褚少孫習魯詩
所引詩傳當卽魯詩傳魯詩亡於西晉小司馬不
見魯詩時惟詩緯尙存故據以爲說尙書中候言
元鳥翔水事亦同詩緯

補易林晉之剝天命元鳥下生大商造定四表享國久
長

補禮記月令鄭注元鳥燕也高辛氏之世元鳥遺卵城
簡吞之而生契

古帝命武湯

補春秋繁露質文篇天將授湯主天法質而王祖錫姓

爲子氏謂契母吞元鳥卵生契契先發於胷性長於人
倫至湯體長專小足左扁而右便勞右佚左也性長於
天光質易純仁

在武丁孫子武丁孫子武王靡不勝

補漢書古今人表武丁小乙子

喬樅謹案毛詩傳武丁高宗也箋云商之先君受
天命而行之不解始者在高宗之孫子馬瑞辰曰
按正義引王肅云在此高宗武丁善爲人之孫子
與毛傳釋湯孫同義然節去善爲人之四字而謂
之武丁孫子則不詞若如箋以爲在高宗之孫子

則此詩祀高宗何得不美高宗而美高宗之孫子乎惟王尙書引之云經文兩言武丁疑皆武王之譌而武王靡不勝則武丁之譌蓋商之先君受命不怠者在湯之孫子故曰在武王孫子武王孫子猶那與烈祖之言湯孫也湯之孫子有武丁者繩其祖武無所不勝故曰武王孫子武丁靡不勝傳寫者上下互譌耳今按王說校正譌誤極爲精核大戴禮用兵篇引詩校德不塞嗣武于孫子與此詩形聲相近于卽王字脫下一畫耳在武王孫子下卽接言武王孫子武丁靡不勝與文王篇侯文

王孫子下卽接言文王孫子本支百世文法正相似

邦畿千里惟民所止

補禮記大學詩云邦畿千里惟民所止

補禮記王制鄭注縣內夏時天子所居州界名也殷曰畿殷頌曰邦畿千里惟民所止周亦曰畿

班固西都賦封畿之內厥土千里

喬樞謹案畿圻字同圻界也毛傳訓畿爲疆疆猶界也路史注引書大傳曰圻者天子之境也故爲天子所居州界之名馬瑞辰曰邦畿二字同義邦

者封之段借小爾雅封界也周禮大司馬注封謂立封於疆爲界是封亦疆也界也文選西京賦注引詩作封畿千里蓋本三家詩說文封从出从土从寸守其制度也籀文从丰土作𡗗邦字亦从邑丰聲故通用論語邦域之中漢書王莽傳作封域釋文亦曰邦或作封又謀勳干戈於邦內釋文云鄭本作封釋名邦封也皆邦與封同音通用之證封畿同爲疆界之稱猶肇域讀爲兆域兆亦域也喬樅調據禮記引詩作邦畿知三家與毛皆爲邦字邦封義同漢儒引皆作封畿者避高帝諱改字

也

長發

有城方將帝立子生商

元王桓撥

補漢書禮樂志音殷周之雅頌乃上本有城姜嫄高稷
始生元王公劉古公太伯王季姜女太妊太姒之德○
師古曰高殷之始祖元王亦殷之先祖承黑帝之德故
曰元王毛鄭說詩以元王卽高也此志旣言高又言元
王則元王非高一人矣

喬樞謹案詩於帝立子生商下卽接言元王桓撥

則元王當指高爲是不得以契元王爲二人漢志
元王疑是相土之誤商頌長發言相土烈烈海外
有截何得畧而不數乎宣帝紀引詩率禮不越遂
視既發文穎注亦指契言之是其明證

補漢書外戚傳殷之興也以有娥及有娀

補又古今人表簡邈帝嚳妃生高○師古曰卽簡狄也
率禮不越遂視既發相土烈烈海外有截

補漢書宣帝紀聖王之制施德行禮先京師而後諸夏
先諸夏而後夷狄詩云率禮不越遂視既發相土烈烈
海外有截○文穎曰遂徧也發行也言契能使其民率

禮不越法度徧承視其教令奉順而行也相土契孫也烈烈威也截整齊也威武之盛烈烈然四海之外率服整齊也

喬樅謹案禮毛詩作履三家並作禮

補又古今人表相土昭明子

喬樅謹案五行志云相土商祖契之曾孫代閼伯後主火星宋其後也師古曰據魯典籍相土卽高之孫今云曾孫未詳其意喬樅謂古今人表以相土爲昭明子是爲契孫無疑五行志蓋誤衍曾字耳

補班固封燕山然銘勦凶虐兮截海外

帝命不違至於湯躋湯降不遲聖敬日齊昭假遲遲上帝是祇帝命式于九圍

補禮記孔子閒居詩曰帝命不違至於湯齊湯降不遲聖敬日齊昭假遲遲上帝是祇帝命式于九圍○鄭注帝天帝也詩讀湯齊爲湯躋躋升也降下也齊莊也昭明也假至也祇敬也式用也九圍九州之界也此詩云殷之先君其爲政不違天之命至於湯升爲君又下天之政教甚疾其聖敬日莊嚴其明道至於民遲遲然安和天是用敬之命之用事於九州謂侯王也

喬樅謹案湯躋毛詩作湯齊日齊毛及魯韓詩並作日躋與齊詩文異

爲下國暇郵

補禮記郊特牲鄭注詩云爲下國暇郵。正義曰此所引者齊魯韓詩也郵謂民之郵舍言成湯施布仁政爲下國諸侯在暇民之處所使不離散

喬樅謹案鄭釋郵表暇謂田暇所以督約百姓於井間之處也引詩暇郵爲證攷說文暇兩百間道也廣六尺段氏注云百者百夫洫上之涂也兩百夫之間有洫洫上有涂是謂兩百間道是之謂暇

暇之言綴也衆所綴也於此爲田畯督約百姓之處若街彈室者然曰郵表暇又說文桓亭郵表也郵亭爲督約百姓之所故立表以示人玉篇云暇表也引詩爲下國暇流暇與綴字通故毛詩文作綴傳訓爲表郵毛詩作旒蓋亦以聲近通假傳訓旒爲章章亦表也

不剛不柔布政優優

補春秋繁露循天之道篇德莫大于和而道莫正于中和者天地之美德達理也聖人之所保守也詩云不剛不柔布政優優非中和之謂與是故能以中和理天

下者其德大盛能以中和養其身者其壽極命

喬樅謹案布政毛詩作敷政與齊詩文異

受小共大共爲下國恂蒙何天之寵傅奏其勇

補大戴禮衛將軍文子篇詩云受小共大共爲下國恂蒙何天之寵傅奏其勇。盧辯注殷頌長發之五章也頌湯伐桀除災之事恂信也言下國信蒙其富詩爲駿龐或古有二文或以義賦寵傅又爲龍敷

喬樅謹案盧辯所據詩毛氏也大戴禮所載用齊詩之文與毛氏異馬瑞辰曰考荀子榮辱篇引作駿蒙駿與恂龐與蒙古竝聲近通用大學恂慄鄭

注讀恂爲駿詩狐裘蒙戎左傳作虺戎是其證也
此詩當以恂蒙爲正恂讀爲徇呂氏春秋忠廉篇
高注徇猶衛也是徇有庇衛之義蒙通作幪說文
幪蓋衣也廣雅釋詁幪覆也幪卽幪之俗爲下國
恂蒙猶云爲下國覆庇耳荀子榮辱篇是夫羣居
和一之道也下引詩此句爲證則恂蒙有羣相庇
蔭之象法言震風淩雨然後知夏屋之爲帡幪也
注帡幪蓋覆也恂蒙猶言帡幪耳上章言敷政故
云爲下國之表章此章言奏勇故云爲下國之覆
庇義固各有當也董氏讀詩記引齊詩作駿驤皆

限借字說齊詩者遂以馬釋之誤矣喬樸謂大戴
記師傳與齊詩同爲后蒼所授據大戴記所引則
齊詩作恂蒙信而有徵董氏不見齊詩讀詩記無
稽之言謬妄殊甚又毛詩何天之龍傳云龍和也
箋云龍當作寵寵榮名之謂卽據齊詩改毛傳敷
亦以聲同通用

武王載旆有虔秉鉞如火烈烈則莫我敢遏

漢書刑法志詩曰武王載旆有虔秉鉞如火烈烈則莫
我敢遏言以仁誼綏民者無敵於天下也○師古曰殷
頌長發之詩也武王謂湯也虔敬也遏止也言湯建號

興師本猶仁義雖執戚鉞以敬爲先故得如火之盛無能止也

喬樅謹案志稱孫卿言云云考荀子議兵篇引詩施作發則班氏雖述孫卿語而所引詩則仍據齊詩之文遏毛詩作曷傳云害也又虔傳訓固也鄭箋同師古此注與毛異義是據舊注齊詩之說馬瑞辰曰古者兵器惟鉞最重說文作戍引司馬法夏執元戍殷執白戚周左杖黃戍右把白旄也字林鉞王斧也故王者親征多秉鉞史記湯自把鉞以伐昆吾遂伐桀正此詩秉鉞之謂曷遏爾雅釋

言言
詰並訓爲止曷當卽遏之省借則莫我敢遏猶魯
頌則莫我敢承承亦止也

又五行志上其於王事出軍行師把旄杖鉞誓于士衆
抗威武所以征畔逆止暴亂也詩云有虔秉鉞如火烈
烈

包有三枿莫遂莫達

韋顧旣伐昆吾夏桀

漢書叙傳三枿之起本根旣朽。劉德曰詩曰包有三
枿爾雅曰烈枿餘也謂木斫髡而復枿生也

又古今人表韋鼓昆吾係夏桀世。師古曰豕韋國彭

姓鼓卽顧國已姓昆吾妣姓國也三者皆湯所誅也

班固典引用討韋顧黎崇之不恪

喬樅謹案枿毛詩作葉據鄭君玉藻臣孽注云孽當爲枿聲之誤則知枿爲葉本字也鄭箋以顧昆吾皆已姓師古以昆吾爲妣姓與鄭不同蓋據舊注齊詩之說據周語彭姓豕韋已姓昆吾而古今人表又有劉姓豕韋則昆吾容或又有妣姓也馬瑞辰曰古今人表韋有三其一韋居下上在夏帝癸時其一大彭豕韋居上下在殷南庚陽甲時又其一劉姓豕韋居中上在武丁時按班固表於南

庚陽甲之豕韋始言大彭豕韋則不以湯所伐之
韋在帝癸時者爲彭姓矣蓋湯滅韋始以改封彭
姓豕韋故鄭詁但曰豕韋爲商伯不言在夏時爲
侯伯也蓋夏時之韋其姓已不可考故人表不著
其姓鄭箋謂湯所伐卽彭姓豕韋誤矣至世本曰
豕韋防姓防彭聲近以旁彭互通類之防姓卽彭
姓亦未可以當此詩之韋也顧古今人表作鼓顧
鼓雙聲故通用微子我不顧行遯釋文徐仙民音
鼓是顧鼓同音之證

殷武

自彼氐羗莫敢不來享莫敢不來王

補鹽鐵論論勇篇故自彼氐羗莫敢不來王非畏其威
其德也

補荀悅漢紀二十詩云自彼氐羗莫敢不來王

喬樞謹案竹書云成湯十九年氐羗來貢此詩所
言自彼氐羗是也竹書又云武丁三十四年氐羗
來賓是高宗時亦有氐羗賓服之事詩追叙成湯
功業卽所以頌高宗之能繼湯也後漢書西羗傳
武丁征西戎鬼方三年乃克故其詩曰自彼氐羗
莫敢不來王則是詩之氐羗卽鬼方矣胡承珙曰

世本注云鬼方於漢則先零戎先零亦爲西零漢
臨羌西北塞外有僊海鹽池莽曰鹽羌卽今甘肅
青海地此鬼方爲西戎之證賈捐之傳云武丁地
南不過荆楚西不過氐羌此就三家詩說高宗亦
有事於氐羌也馬瑞辰曰山海經內經云伯夷父
生西嶽西嶽生先龍先龍生氐羌氐羌乞姓郭注
伯夷父顓頊師今氐羌其苗裔也大戴五帝德篇
言舜南撫交趾大教鮮支渠廋氐羌據書大傳西
方者鮮方也則鮮卽西當作鮮及渠廋氐羌支乃
譌字也

天命降監下民有嚴

命於下國封建厥福

補班固西都賦故下民號而上訴之帝懷而降監乃致
命乎聖皇

京邑翼翼四方是則 壽考且甯以保我後生

漢書匡衡疏曰臣聞教化之流非家至而人說之也賢
者在位能者布職朝廷崇禮百僚敬讓道德之行出內
及外自近者始然後民知所法遷善日進而不自知是
以百姓安陰陽和神靈應而嘉祥見詩曰商邑翼翼四
方之極壽考且甯以保我後生此成湯所以建至治保

子孫化異俗而懷鬼方也

補荀悅漢紀匡衡疏曰詩云京邑翼翼四方是則此教化之原本風俗之樞機宜先正者也

喬樅謹案王氏經義述聞云漢紀之文本於漢書匡衡傳而傳載衡疏作商邑翼翼四方之極與漢紀不同者後人以毛詩改之也案疏言道德之行由內及外自近者始然後民知所法故引詩四方是則以證之則亦法也若作四方之極則失其指矣顏注所見已是改竄之本當據漢紀以正之喬樅謂此詩三家並作京邑翼翼四方是則與毛文

異詩後漢音魯恭疏云四方是則又張衡東京賦
云京邑翼翼四方是視是魯詩之文也樊準傳云
京邑翼翼四方是則李賢注曰韓詩之文也翼翼
然盛也後魏書甄琛傳詩稱京邑翼翼四方是則
後魏時齊魯詩已亡佚則所引韓詩也白帖兩引
詩並同亦據韓詩